


Filipino

Unang Markahan – Modyul 4: Pagsagot sa mga Tanong sa Napakinggang Kuwentong Kathang-isip



Filipino – kalawang Baitang

Alternative Delivery Mode

Unang Markahan – Modyul 4: Pagsagot sa mga Tanong sa Napakinggang Kuwentong Kathang-isip

Unang Edisyon, 2020

Isinasaad sa Batas Republika 8293, Seksiyon 176 na: Hindi maaaring magkaroon ng karapatang-sipi sa anomang akda ang Pamahalaan ng Pilipinas. Gayonpaman, kailangan muna ang pahintulot ng ahensiya o tanggapan ng pamahalaan na naghanda ng akda kung ito ay pagkakakitaan. Kabilang sa mga maaaring gawin ng nasabing ahensiya o tanggapan ay ang pagtakda ng kaukulang bayad.

Ang mga akda (kuwento, seleksiyon, tula, awit, larawan, ngalan ng produkto o brand name, tatak o trademark, palabas sa telebisyon, pelikula, atbp.) na ginamit sa modyul na ito ay nagtataglay ng karapatang-ari ng mga iyon. Pinagsumikapang matunton ang mga ito upang makuha ang pahintulot sa paggamit ng materyales. Hindi inaangkin ng mga tagapaglathala at mga may-akda ang karapatang-aring iyon. Ang anomang gamit maliban sa modyul na ito ay kinakailangan ng pahintulot mula sa mga orihinal na may-akda ng mga ito.

Walang anomang parte ng materyales na ito ang maaaring kopyahin o ilimbag sa anomang paraan nang walang pahintulot sa kagawaran.

Inilathala ng Kagawaran ng Edukasyon Kalihim:

Leonor Magtolis Briones

Pangalawang Kalihim: Diosdado M. San Antonio

Bumuo sa Pagsusulat ng Modyul	
Manunulat:	Lea C. De Jesus
Editor:	Elena V. Almario, Cita C. Merla, Marie Ann C. Ligsay
Tagasuri:	Marcela S. Sanchez, Racy V. Troy, Marie Ann C. Ligsay
Tagaguhit:	Karen D. Romero
Tagalapat:	Cristina T. Fangon
Tagapamahala:	Nicolas T. Capulong, Librada M. Rubio, Ma. Editha R. Caparas Nestor P. Nuesca, Merlinda T. Tablan, Ellen C. Macaraeg, Elena V. Almario

Inilimbag sa Republika ng Pilipinas ng _____

Kagawaran ng Edukasyon - Rehiyon III

Office Address: Matalino St., Government Center, Maimpis, City of San Fernando

Telefax: (045) 598-8580 to 89

E-mail Address: region3@deped.gov.ph

Filipino

Unang Markahan – Modyul 4:
Pagsagot sa mga Tanong sa
Napakinggang Kuwentong
Kathang-isip

Paunang Salita

Ang Self-Learning Module o SLM na ito ay maingat na inihanda para sa ating mag-aaral sa kanilang pag-aaral sa tahanan. Binubuo ito ng iba't ibang bahagi na gagabay sa kanila upang maunawaan ang bawat aralin at malinang ang mga kasanayang itinakda ng kurikulum.

Ang modyul na ito ay may inilaang Gabay sa Guro/Tagapagdaloy na naglalaman ng mga paalala, pantulong o estratehiyang magagamit ng mga magulang o kung sinumang gagabay at tutulong sa pag-aaral ng mga mag-aaral sa kani-kanilang tahanan.

Ito ay may kalakip na paunang pagsusulit upang masukat ang nalalaman ng mag-aaral na may kinalaman sa inihandang aralin. Ito ang magsasabi kung kailangan niya ng ibayong tulong mula sa tagapagdaloy o sa guro. Mayroon ding pagsusulit sa bawat pagtatapos ng aralin upang masukat naman ang natutuhan. May susi ng pagwawasto upang makita kung tama o mali ang mga sagot sa bawat gawain at pagsusulit. Inaasahan namin na magiging matapat ang bawat isa sa paggamit nito.

Pinapaalalahanan din ang mga mag-aaral na ingatan ang SLM na ito upang magamit pa ng ibang mangangailangan. Huwag susulatan o mamarkahan ang anumang bahagi ng modyul. Gumamit lamang ng hiwalay na papel sa pagsagot sa mga pagsasanay.

Hinihikayat ang mga mag-aaral na makipag-ugnayan agad sa kanilang guro kung sila ay makararanas ng suliranin sa pag-unawa sa mga aralin at paggamit ng SLM na ito.

Sa pamamagitan ng modyul na ito at sa tulong ng ating mga tagapagdaloy, umaasa kami na matututo ang ating mag-aaral kahit wala sila sa paaralan.



Alamin

Pagkatapos ng araling ito, ikaw ay inaasahang makasasagot sa mga tanong tungkol sa napakinggang kuwentong kathang- isip tulad ng pabula.



Subukin

Panuto: Pakinggan ang maikling kuwento. Sagutin ang sumusunod na mga tanong. Isulat ang letra ng tamang sagot sa sagutang papel.

Ang Magkakaibigan

Akda ni: Lea C. De Jesus

Isang umaga, sa isang malaking sanga ay nagkita-kita ang magkakaibigang sina Tipaklong, Uod at Bubuyog.



1. Ano ang pamagat ng kuwento?
 - A. Ang Tipaklong
 - B. Ang magkakaibigan
 - C. Ang Uod
 - D. Ang Bubuyog

2. Ilan ang tauhan sa kuwentong binasa?
 - A. 2
 - B. 3
 - C. 4
 - D. 5

3. Saan nagkita-kita ang magkakaibigan?
 - A. sa isang malaking sanga
 - B. sa bukid
 - C. sa dahon
 - D. sa bulaklak

4. Sino ang nagyayang maglaro?
 - A. si Tipaklong
 - B. si Uod
 - C. si Bubuyog
 - D. si Langgam

5. Ano ang damdamin ng magkakaibigan sa kuwento?
 - A. malungkot
 - B. masaya
 - C. natakot
 - D. nagalit

Aralin

4

Pagsagot sa mga Tanong Tungkol sa Napakinggang Kuwentong Kathang-isip

Ang pakikinig ay isang kasanayan na dapat linangin sa mag-aaral. Ang batang may mabisang kasanayan sa pakikinig ay may kakayahang makipag-ugnayan at maipahayag ang kanyang saloobin na magagamit niya sa araw-araw.

Ang pakikinig ng pabula ay lubos na kinagigiliwan ng mga bata. Pinupukaw nito ang damdamin at kamalayan ng nagbabasa/nakikinig sa mas mababaw at nakaaaliw na paraan.

Paano nga ba maipamamalas ang mabisang pakikinig?



Balikan

Panuto: Ang sumusunod na mga pahayag ay nagpapakita ng iba't ibang gawi sa pakikinig. Lagyan ng ✓ (tsek) ang patlang kung ang gawi ay tama at x (ekis) kung mali.

_____ 1. Ituon ang pansin sa nagbabasa.

_____ 2. Makipag-usap sa katabi habang nakikinig ng kuwento.

_____ 3. Umupo nang tuwid at ihanda ang sarili sa pakikinig.

____4. Tandaan ang mahahalagang impormasyong maririnig sa kuwento.

____5. Ibaling ang paningin sa mga bagay na nasa loob ng silid-aralan habang nakikinig ng kuwento.




Tuklasin

Panuto: Pakinggan at unawaing mabuti ang babasahing kuwento.

Ang Matalik na Magkaibigan

Akda ni: Lea C. De Jesus



Matalik na magkaibigan sina Tiktok Manok at Ming Pusa. Mahal nila ang isa't isa. Madalas na maglaro ang dalawa sa bukid.

“Bilisan mo naman ang takbo Tiktok malayo na ang bola,” ang wika ni Ming. Saluhan ng bola ang madalas nilang nilalaro.


Sa kanilang pag-uwi lagi silang nakikipag-unahan sa paglubog ni Haring Araw.



Suriin

Panuto: Mula sa napakinggang kuwento, sagutin ang sumusunod na mga tanong. Isulat ang letra ng tamang sagot.

1. Sino-sino ang bida sa kuwento?
 - A. Beng at Ming
 - B. Tiktok at Maya
 - C. Tiktok at Ming
 - D. Beng at Mata
2. Saan madalas maglaro ang magkaibigan?
 - A. sa bundok
 - B. sa ilog
 - C. sa daan
 - D. sa bukid
3. Ano ang madalas nilang nilalaro?
 - A. Harangang batis
 - B. saluhan ng bola
 - C. tagu-taguan
 - D. tumbang preso
4. Paano ipinakita ng magkaibigan ang kanilang pagmamahal sa isa't isa?
 - A. Madalas silang maglaro.
 - B. Palagi silang nag-aaway.
 - C. Sabay silang kumakain.
 - D. Sila ay nagbibigayan.
5. Bakit mahalagang magkaroon ng kaibigang tulad nina Tiktok at Ming?
 - A. upang maging masaya
 - B. upang magkaroon ng kalaro
 - C. upang laging may kasama
 - D. lahat ay tama



Pagyamanin

Pinatnubayang Pagsasanay 1

Panuto: Pakinggan ang babasahing kuwento at sagutin ang mga tanong. Isulat ang letra ng tamang sagot.

Ang Matakaw na Buwaya

Akda ni: Lea C. De Jesus



“La la la la.... busog na busog ako, ang sarap matulog,” ang pakantang wika ni Bua.

Ang lahat ng hayop na mapunta sa ilog ay hindi nakakaligtas sa mata ni Bua.

Halos di na makagalaw si Bua sa kabusugan nang biglang, “Magandang araw kaibigan, pwede ba akong makiinom?” ang bati ni kuneho kay Bua.”

Lumapit ka para makainom ka ng marami,” yaya pa ng buwaya. Kahit busog na siya gusto pa rin niyang kainin ang kuneho.

“Sandali, kaibigan uminom ka pa mukhang Uhaw na uhaw ka pa” pagpipilit ni Bua.”

“Hindi maaari nandito na ang mga mangangaso ayokong mahuli!” Mabilis na nakatakbo si kuneho. Samantalang si Bua ay hindi makagalaw sa busog kaya siya ay nahuli ng mga mangangaso.

1. Sino ang nakatira sa ilog?
A. si Kuneho B. si Bua C. si Tikboy
2. Ano ang katangian ni Bua?
A. mapagbigay B. antukin C. matakaw
3. Aling pahayag sa kuwento ang nagpapatunay na si Bua ay matakaw.
A. “La la la la.... busog na busog ako ang sarap matulog.”
B. Ang lahat ng hayop na mapunta sa ilog ay hindi nakakaligtas sa mata ni Bua.
C. “Lumapit ka pa para makainom ng marami”
4. Sino ang dumating sa ilog para makiinom?
A. si Maya B. si Daga C. si Kuneho
5. Bakit nahuli ng mangangaso si Bua?
A. siya ay sobrang busog
B. siya ay nakatulog
C. gusto niya sa tubig

Pinatnubayang Pagtatasa 1

Panuto: Pakinggan ang babasahing kuwento.

Piliin sa Hanay B ang tamang sagot sa mga tanong sa Hanay B

Ang Mahiwagang Keso ni Dodi

Akda ni: Lea C. De Jesus



Masayang umuwi ng bahay si Dodi Daga. “Anak, bakit ka ba masaya?” tanong ng kanyang ina. “Nanay may nakita po akong matanda at mukhang gutom kaya ibinigay ko po sa kanya ang baon kong tinapay,” masayang pagkukuwento pa niya.

Matutulog na sana si Dodi nang bigla niyang maalala ang matanda na kanyang tinulungan. “Anak, dahil mabuti ang iyong kalooban, tanggapin mo itong munti kong regalo sa iyo,” ang wika ng matanda sa kanya. Binuksan ni Dodi ang kahon at nakita niya ang isang maliit na keso.

Mahiwaga ang keso ni Dodi. Lumalaki ito araw-araw.

Hanay A

1. Sino ang batang daga sa kuwento?
2. Ano ang naramdaman niya nang tulungan niya ang matanda?
3. Ano ang ibinigay niya sa matanda?
4. Ano ang regalong natanggap niya?
5. Ano ang katangian ng regalo?

Hanay B

- A. tinapay
- B. mahiwaga
- C. si Dodi
- D. Masaya
- E. keso

Pinatnubayang Pagsasanay 2

Panuto: Pakinggan ang babasahing kuwento at sagutin ang sumusunod na mga tanong. Isulat ang tamang sagot sa sagutang papel.

Si Mayang Masayahin

Akda ni: Lea C. De Jesus



Kanta dito kanto doon, ito ang hilig ni Maya kaya marami siyang kaibigan. Hindi siya mapipigil sa pagkanta kahit may ginagawa siya.

“Naku! Tanghali na pala, uwi na tayo,” wika ni Loro. “Oo nga, masakit na sa balat ang sikat ng araw,” sagot naman ni Kuwago. “Nalibang tayo dahil sa walang hintong pagkanta ni Maya. Ha ha ha!” sapat naman ni Pipit. “La la la... oras na para umuwi at maghiwa-hiwalay,” paawit na wika ni Maya.

Kaya tinawag siyang Mayang masayahin ng kanyang mga kaibigan.

1. Sino ang mahilig kumant?
2. Ilan ang magkakaibigan sa kuwento?
3. Sino sa magkakaibigan ang nag-ayang umuwi?
4. Ano ang uri ng panahon sa kuwento?
5. Ano ang itinawag ng magkakaibigan kay Maya?

Pinatnubayang Pagtatasa 2

Panuto: Basahin ang kuwento. Sagutan ang mga tanong.

Si Bantay

Akda ni: Lea C. De Jesus

Sa umaga, ang gawain ni Bantay ay magwalis ng paligid at magdilig ng mga halaman. Sa tanghali naman ay tinutulungan niya ang kanyang ina sa paghahanda ng pagkain. Pagkatapos ng kanyang mga gawain, masayang nakikipaglaro si Bantay sa kanyang mga kaibigang aso.


1. Ano ang pamagat ng kuwento?
2. Ano-ano ang ginagawa niya sa umaga?
3. Ano naman ang ginagawa niya pagdating ng tanghali?
4. Sino ang bida sa kuwento?
5. Sino ang mga kalaro niya?

Malayang Pagsasanay 1

Panuto: Pakinggan ang babasahing kuwento at gawin ang pagsasanay. Iguhit ang 😊 kung ang sagot sa tanong ay tama at ☹ kung mali ang sagot.

Pasaway na Isda

Akda ni Lea C. De Jesus



Papalayo nang papalayo ang paglangoy ni Dely nang tawagin siya ng kanyang ina. “Delikado pa sa iyo ang lumangoy sa malayo. Maliit ka pa anak at baka mawala ka!” bilin ng ina sa kanyang anak.

Isang umaga, hindi napigilan ni Dely ang lumangoy habang ang kanyang mga magulang ay natutulog pa. “Inang Dilis at Amang Dilis, nasaan po kayo?” tanong ni Dely. Dahil sa kalalangoy di namalayan ni Dely na nawawala na pala siya.

Nagtago si Dely sa malaking bato sa takot na makain siya ng malalaking isda.

- _____ 1. Sino ang bida sa kuwento?
Sagot: si Dely
- _____ 2. Ano ang hilig niyang gawin?
Sagot: kumanta
- _____ 3. Anong uri ng isda si Dely?
Sagot: Dilis
- _____ 4. Kailan siya nawala?
Sagot: gabi
- _____ 5. Saan siya nagtago?
Sagot: sa halaman

Malayang Pagtatasa 1

Panuto: Pakinggan ang babasahing kuwento at sagutin ang mga tanong. Isulat ang letra ng tamang sagot.

Ang Uod at Paruparo Akda ni Lea C. De Jesus

Tuwing umaga nagkikita sina Paruparo at Uod sa halamanan. Si Paruparo ay masayang palipat-lipat sa mga bulaklak habang si Uod naman ay palipat-lipat sa mga dahon.

Isang umaga. “Kaibigang Uod bakit malungkot ka?” tanong ni Paruparo. “Naiinggit ako sa iyo kaibigang Paruparo,” sagot naman ni Uod. “Gusto kong makalipad tulad mo at makarating sa iba’t-ibang lugar,” paliwanag pa niya. “Huwag kang mag-alala kaibigan darating ang panahon na makakalipad ka rin,” wika naman ni Paruparo. Natuwa si Uod sa kanyang narinig. Mabuting kaibigan si Paruparo. Ayaw niyang nalulungkot ang kanyang kaibigan.

Makalipas ang isang linggo, sabay nang lumilipad at nagpalipat-lipat sa mga bulaklak ang magkaibigan.

1. Sino ang magkaibigan sa kuwento?
 - A. sina Paruparo at Kulisap
 - B. sina Uod at Bubuyog
 - C. sina Paruparo at Uod

2. Kailan nagkikita ang dalawa?
 - A. tuwing umaga
 - B. tuwing tanghali
 - C. tuwing gabi

3. Bakit nagtutungo si Paruparo sa halamanan?
 - A. upang magpalipat-lipat sa mga dahon
 - B. upang magpalipat-lipat sa sanga
 - C. upang magpalipat-lipat sa mga bulaklak

4. Anong kakayahan ni Paruparo ang gustong magkaroon ni Uod?
 - A. makalipad
 - B. makatakbo
 - C. makatalon

5. Anong uri ng kaibigan si Paruparo?
 - A. Mayabang
 - B. Mabuti
 - C. mapagbigay

Malayang Pagsasanay 2

Panuto: Pakinggan ang babasahing kuwento at sagutin ang mga tanong. Isulat sa patlang ang iyong sagot.

Bertong Payatot

Akda ni: Lea C. De Jesus

“Payatot, payatot!” sigaw na naririnig ni Berto kaya patakbo siyang umuwi ng kanilang bahay. Hindi kumakain ng gulay si Berto kaya siya ay sakitin at payat.

“Nanay, kakain na po ako ng gulay. Gusto ko pong maging malusog para hindi na po nila ako tawaging payatot,” wika ni Berto.

Ngayon, si Berto ay isa nang malusog at masiglang kalabaw kaya mula noon tinawag na siyang Bertong Makisig.

1. Sino ang tinatawag na payatot sa kuwento?
2. Ano ang ayaw niyang pagkain?
3. Bakit kaya siya sakitin at payat?
4. Bakit niya gustong maging malusog?
5. Ano ang nagging tawag sa kanya ng siya ang lumusog at nagging masigla?

Malayang Pagtatasa 2

Panuto: Pakinggan ang babasahing kuwento at sagutin ang mga tanong. Isulat sa patlang ang iyong sagot.

Pula, Dilaw at Itim

Akda ni: Lea C. De Jesus

“Tiktilaok, tiktilaok mga anak gising na,” ang tawag ni Inahing Manok sa mga anak. “Pula, maghanda ka na at maaga tayong pupunta sa bukid,” wika pa nito.

Mabilis na kumilos si Pula at inihanda ang mga kagamitan sa pagtatanim.

Si Pula ang pinakamatanda sa magkakapatid. Siya ang katulong ni Inahing Manok sa bukid.

“Itim, mag-ingat ka sa paglalaro baka masaktan ka,” paalala ni Dilaw sa bunsong kapatid. Si Dilaw ang nag-aalaga sa bunsong kapatid habang si Inahing Manok ay nasa bukid.

Mababait na anak sina Pula, Dilaw at Itim. Tinutulungan nila si Inahing Manok sa iba’t ibang mga gawain nito.

1. Sino ang katulong ni Inahing Manok sa pagtatanim?
2. Sino ang bunsong manok?
3. Bakit sinabi ni Dilaw na mag-ingat sa paglalaro si Itim?
4. Paano masasabing mabait na kapatid si Dilaw?
5. Paano maging mabuting anak tulad nina Pula, Dilaw at Itim na manok?



Isaisip

Ang pakikinig ay mahalagang kasanayan na dapat malinang sa mag-aaral. Ito ay makatutulong sa pang-araw-araw na pamumuhay. Ang kasanayang ito ang dapat matutuhan upang madali tayong makaunawa sa ating pinapakinggan at sa sinasabi ng ating kausap.

Isaalang-alang ang sumusunod na mga panuntunan para matutuhan ang kasanayan sa mabisang pakikinig at pagkaunawa. Masusukat ito sa pamamagitan nang wasto at tamang pagsagot sa mga inihandang tanong.

- Ihanda ang sarili sa pakikinig.
- Ituon ang atensyon sa nagbabasa.
- Unawaing mabuti ang bawat salita at pangyayari o impormasyon sa kuwentong pinapakinggan.
- Tandaan ang mahahalagang pangyayari o impormasyon sa napakinggan.
- Itala ang mahahalagang detalye sa napakinggan.




Isagawa

Panuto: Makinig sa kuwento. Piliin ang letra nang wastong sagot.

Si Mimi Kambing

Akda ni: Lea C. De Jesus



Si Mimi Kambing ay isang pasaway na anak. Hindi siya sumusunod sa mga bilin at pinag-uutos sa kanya. Kaya madalas si Mimi ay napagsasabihan ng kanyang mga magulang.

Isang araw, sina Amang Kambing, Inang Kambing at Mimi ay pumunta sa burol upang kumuha ng pagkain.

“Anak, huwag kang palundag-lundag baka mahulog ka sa bangin,” ang bilin ni Inang Kambing. Ngunit nagpatuloy pa rin sa paglundag si Mimi.

Nang bigla na lang may narinig si Inang Kambing “Mee-mee! Tulong! Tulungan ninyo ako,” ang malakas na iyak ni Mimi.

1. Sino ang pasaway na kambing?
 - A. Enteng
 - B. Mimi
 - C. Emi

2. Bakit siya madalas pagsabihan ng kanyang mga magulang?
 - A. siya ay madaldal.
 - B. siya ay pasaway.
 - C. siya ay matakaw.

3. Sino-sino ang nagpunta sa bukid?
 - A. Amang Kambing, Inang Kambing at Mimi
 - B. Amang Baka, Inang Baka at Berto
 - C. Amang Usa, Inang Usa at Isa

4. Ano ang bilin sa kanya ni Inang Kambing habang sila ay nasa burol?
 - A. "Anak, huwag kang palundag-lundag baka mahulog ka sa bangin."
 - B. "Anak, huwag kang pupunta sa malayo."
 - C. "Anak, umupo ka lang."

5. Ano ang nangyari kay Mimi nang hindi siya sumunod sa bilin ng kanyang ina?
 - A. nadapa.
 - B. nawala
 - C. nahulog



Tayahin

Panuto: Makinig na mabuti sa babasahing kuwento. Sagutin ang sumusunod na mga tanong.

Si Bokyong Ayaw Maligo

Akda ni: Lea C. De Jesus



Si Bokyong ay isang batang uod. Hilig niya ang kumain nang kumain ngunit hindi ang paliligo.

“Ayokong maligo! Ayokong mabasa!” pagtutol ni Bokyong. “Bakit ba kasi kailangan umulan? Sana huwag ng umulan kahit kailan,” panalangin ni Bokyong.

Nakalipas ang ilang araw na hindi umuulan. Napansin ni Bokyong na hindi na makatas at ang dahon na kanyang kinakain. Naalala ni Bokyong na kailangan ng mga halaman ang ulan para sila ay lumusog at dumami.

“Panginoon, patawarin po ninyo ako”. “Sana po, muli nang umulan upang lumusog ang mga halaman,” muling panalangin ni Bokyong. Pagkaraan ng ilang sandali muling dumilim ang langit at bumagsak ang ulan.

1. Sino ang batang uod sa kuwento?
2. Ano ang ginagawa niya sa araw-araw?
3. Ano naman ang ayaw niyang gawin?
4. Ano ang nangyari sa mga halaman noo ng hindi na umulan?
5. Ano ang ginawa ni Bokyo para muling maging malusog ang mga halaman?




Karagdagang Gawain

Panuto: Makinig na mabuti sa kuwento at sagutin ang sumusunod na mga tanong.

Ang Mayabang na Baboy

Akda ni: Lea C. De Jesus



“Tabi ang baho mo!” ang wika ng mayabang na si Tikboy. Sa Baryo Kuliglig, siya ay hinahangaan dahil sa kanyang makinis na balat at mga pinong balahibo. Ito rin ang dahilan kaya ayaw niyang makisama sa ibang baboy.

“Tikboy, maglaro tayo,” aya ni Bokyo. “Di tayo magkatulad kaya ayaw kitang kalaro,” ang madalas sabihin ni Tikboy.

1. Sino ang bida sa ating kuwento?
2. Sino ang nagyaya kay Tikboy para maglaro?
3. Ano-ano ang mga katangian ni Tikboy?
4. Saan nangyari ang kuwento?
5. Ano ang pag-uugali ni Tikboy na hindi mo dapat tularan?



Susi sa Pagwawasto

Subukan	1. B 2. B 3. A 4. A 5. B	1. / 2. X 3. / 4. / 5. X	Sumun	1. C 2. D 3. B 4. A 5. D
Pagmamalin				
Pinatubayang Pagsasanay 1	1. B 2. C 3. B 4. C 5. A	1. C 2. D 3. A 4. E 5. B	Pinatubayang Pagsasanay 2	1. si Maya 2. opat (4) 3. si Loro 4. maaraw/matindi 5. Mayang ang sikat ng araw masayahin
Pinatubayang Pagsasanay 1	1. 1. 2. 2. 3. 3. 4. 4. 5. 5.	1. C 2. A 3. C 4. A 5. B	Malayang Pagsasanay 2	1. si Bertol 2. gulay 3. hindi siya kumakain ng gulay 4. para hindi na siya tawaging payat 5. Bertol Makisig
Malayang Pagsasanay 2	1. 1. 2. 2. 3. 3. 4. 4. 5. 5.	1. C 2. A 3. C 4. A 5. B	Malayang Pagsasanay 2	1. si Fula 2. Itim 3. upang hindi siya masaknan 4. mabait na kapatid 5. magling matulungin sa magulang, magling mabait at mapagmahal sa mga kapatid
Isagawa	1. B 2. B 3. A 4. A 5. C	1. si Bokyo 2. kumain 3. maling 4. Hindi na makatas at masasapang mga daon. 5. nagdasal	Karagdagan Gawin	1. si Tikoy 2. Bokyo 3. makinis ang balat at pino ang mga balahibo 4. Baryo Kulingig 5. pagiging mayabang



Sanggunian

Garcia, Nilda S., Jackelyn F. Aligante, Melany B. Ola, Aida J. Cruz, Erlinda B. Castro, Virginia C. Cruz, Matilde N. Padalla, Galcoso C. Alburo, and Estrella C. Cruz. 2013. *Ang Bagong Pinoy Filipino 2 Kagamitan Ng Mag-aaral*. Pilipinas: Rex Book Store Inc.

Garcia, Nilda S., Jackelyn F. Aligante, Melany B. Ola, Aida J. Cruz, Erlinda B. Castro, Virginia C. Cruz, Matilde N. Padalla, Galcoso C. Alburo, and Estrella C. Cruz. 2013. *Ang Bagong Pinoy Filipino 2 Patnubay ng Guro*. Pilipinas: Rex Book Store Inc.

Para sa mga katanungan o puna, sumulat o tumawag sa:

Department of Education - Bureau of Learning Resources (DepEd-BLR)

Ground Floor, Bonifacio Bldg., DepEd Complex
Meralco Avenue, Pasig City, Philippines 1600

Telefax: (632) 8634-1072; 8634-1054; 8631-4985

Email Address: blr.lrqad@deped.gov.ph * blr.lrpd@deped.gov.ph